

書叢材講會月民國

抗戰中之忠義烈士



版出會員動總神精民國

國民月會讀本叢書之一

抗戰中之忠勇義烈

軍事委員會政治部
國民精神總動員會秘書處
國民精神總動員會出版

目次

前言

關於忠勇之將士

甲 在西北戰場方面者

- (一) 佟麟閣趙登禹圍河殉國
- (二) 郝夢麟劉家麒求仁得仁
- (三) 王銘章全師滕縣殉職
- (四) 劉震東殉職莒縣
- (五) 茹越口梁鏡齋力戰殞命
- (六) 晉城之役徐榮奎浴血抗戰

(七) 李家驥遇害斃寇手餘殉職

(八) 羅芳珪視死如歸

(九) 朱治平父子雙忠

(十) 李建章罵敵不屈

(十一) 溫國升冒雨爬城

(十二) 張全和盤腸大戰

(十三) 馮增山甯死不吐軍情

(十四) 盧俊傑單鎗殺敵

(十五) 濮範健兒壯烈殉國

(十六) 楊繼祖被俘不屈捨生就義

(十七) 熊雲臣忠貞壯烈殺身成仁

(十八) 普天照光昭日月

乙 在東南戰場方面者

(一) 饒國華廣德捐軀

(二) 蔡丙炎羅店犧牲

(三) 楊紹卿台浦鎮殉難

(四) 寶山姚子青全營殉城

(五) 戴紹文裹傷創敵

(六) 寸諜查罵敵求速死

(七) 玉樹藩堅守陣地

(八) 雷鳴化活捉敵兵

(九) 胥祖田慷慨就義

(十) 劉文慶捐遺餉救國

(十一) 張友善臨終猶願一睹中華國旗

丙 在空軍方面者

(一) 閻海文壯烈殉國

(二) 沈崇誨與敵艦同盡

(三) 陳懷民神勇撞機

(四) 二二八李呂兩隊長殉職

關於義烈之人民

甲 在蘇皖方面

(一) 孫景瀨爲民族犧牲

(二) 不屈服之上海同胞

(三) 凌惠根謝阿丕冒險助戰

(四) 王崑五謀刺被殺

(五) 廣德老人誘敵殉難

(六) 吳榮保罵賊壯烈殉難

(七) 宣城村民赤手斃敵

(八) 張子開誓死不做漢奸

乙 在湖贛方面

(一) 謝保長殺身成仁

(二) 曠東初一門忠勇

(三) 樓田鄉民拒組偽維持會

丙 在晉魯方面

(一) 晉南村民用石子鍋碗擊敵

(二) 義民張全申光榮殉國

(三) 晉南郭姓一門忠烈

(四) 五義士智燬敵砲彈

(五) 大學生慷慨就義

(六) 孟縣愛國同胞之掙扎

(七) 濟甯男女回民奮起

(八) 中學生壯烈成仁

丁 在閩粵方面

(一) 兒童作文罵日寇

(二) 壯士下火焚敵機關

前 言

抗戰迄今，已逾兩年。當戰事爆發之初，倭敵以其武器裝備優越於我，原屬於短時期內，一舉征服我國，結束戰爭！然此兩年以來之事實，匪特證明敵人幻夢之實現爲不可能，且顯示我國之愈戰愈強，敵人之愈戰愈弱。此中消長之數，一方面故由於我之爲人類真理正義而戰，是以得道多助，而其真正關鍵之所在，厥爲我全國軍民十心十德誓死抗戰之成果。良以開戰以來，我全國各地英勇將士與愛國同胞之壯烈犧牲，真可驚天地而泣鬼神，其碧血丹心，雖腐爲國魂，而其慷慨成仁之精神，實爲我中華民族永莫復興之基石。本編因非國史，且以限於篇幅，故謹就我報章所公佈之愛國軍民成仁取義之事蹟，擇要列入，明知此一鱗半爪，有掛一漏萬之虞，然偉烈豐功之得彰於後世，殆亦何稍稍告忘於先賢。本篇之輯，特誌敬悼之忱，并勸國人奮勉。

抗戰以來歷時六年

「精神力量居其九，

物質力量僅佔其一！」

（摘錄 總理遺教）

「今當抗戰二期，勝敗興亡，所繫至鉅，若猶不悲愧奮發，急起直追，共同恢復我民族之固有道德，一致發揮 總理革命之精神，集結於國家至上，民族至上，軍事第一，勝利第一，意志集中，力量集中三個共同目標之下，掃蕩萎靡腐敗之障礙，養成蓬勃奮發之朝氣；各竭其職，以勢力奮鬥於抗戰建國之大業，將何以自救而救國，亦何以上對民族祖先，下對後世之子孫？」

（摘錄 蔣委員長通電）

關於忠勇之將士

(甲)在西北戰場方面者

(一)修麟閣趙登禹圍河殉國

修麟閣，河北高陽人，沈毅果敢，累功至第廿九軍副軍長。廿六年七月下旬，南苑圍河之役，親赴前線督師，身先士卒，忽中彈負傷，猶裹創進戰。適有一砲彈擊中頭部，遂致陣亡。同死者趙登禹，山東人。驍勇屢著戰功，任一百三十二師師長。是役，三次衝鋒，身受重創，衛士欲負出火線，不許。慨然謂曰：「汝從速退平，向余母言，忠孝不能兩全，毅余不幸，請余母勿悲」。復向前進，卒中彈捐軀。修趙殉難事聞政府，均追贈陸軍上將，從優議卹，以彰忠烈。

(二)郝夢麟劉家麒求仁得仁

華北戰事開始以來，其戰況之激烈，犧牲之重大，莫有過於晉北大白水一役。而郝夢齡軍長，劉家麒師長，均因身先士卒，奮勇指揮，先後陣亡，尤足震天地而寒敵膽。方二公奉調至忻口，即曉諭官兵與陣地共存亡。自廿六年十月十二日起，敵曾以飛機大炮向我陣地猛撲十餘次，迄不得小逞。至十五日夜，二公督全軍齊進，連克數山頭。天已微明，郝公恐我新陣地受敵威脅，遂乘勝直追，敵陣

約亂。二公親臨敵兵線前，欲收聚殲之功，不意相繼中彈殞命。先是，郝氏由漢出發，曾預立子女遺囑曰：「此次北上，抱定犧牲，不幸陣亡，汝等須汝母祖母教訓。將來國家戰勝，可入這級學校。」盡其殉難之志，早具決心云。

(三) 王銘章全師滕縣殉職

敵兵於廿七年二月十六日晨，逼進滕縣，圍東關，以巨砲向東城射擊，時城內守軍，合計軍警約三千人。王銘章師長，即以此為基幹，決與城內敵拚一死活。敵既佔我東關，乃於是夜，向城內開砲城垣被壞，我以堆存鹽包填堵缺口。十七日晨，敵大股已包圍四城，由飛機大炮掩護，開始搶奪我城垣，守軍以手榴彈機槍斃敵無算。惟此時城內彈藥如雨，敵機轟炸不絕，火燄燭天，我三千軍士大半殞命。王師長以局勢危急，當率眾登城督戰，終以敵眾我寡，於是日下午三時城陷。王師長腹部中彈，臨死仍高呼中華民國萬歲！抗戰到底！我城內尚存重傷兵百餘，不願退出，互以手榴彈爆炸而死。又零星部隊尚有五六百，仍集合與敵巷戰，至晚七時相繼陣亡。計自十六日至十七日，我軍保守滕縣，直三十六小時之久。我軍將士死者二千餘，敵之傷亡倍我，其犧牲之壯烈於津浦線尤甚云。

(四) 劉震東殉職莒縣

敵板垣師團於廿七年二月十八日犯莒，時游擊司令劉震東以莒為魯南重要據點，勢在必爭，乃率

所部三四百人不顧一切入城駐守。廿三日敵兵攻城，劉司令下令所部曰：「要注意！要沈着！不到一槍打一個時候，決不發槍。」至上午五時許，敵兵密集城外，以重砲擁護爬城。我軍憑城發槍，敵應聲而倒，一時死傷枕籍。劉司令一面請兵救援；一面開撥四支隊！衝出南門，分東西路抄敵後方。衝鋒號響，一陣殺聲，敵狼狽退。而此時城南公路橋樑已先破壞，援軍不得達。劉司令猶當不顧身，在城頭指揮，卒以寡不敵衆，糧盡援絕而陣亡云。

（五）茹越口梁鏡齋力戰殞命

倭侵晉北，梁鏡齋旅長奉命扼守茹越口，地當縣縣要衝。工事構築未竣，而倭已驟至。初以重砲猛烈攻擊，工事大半毀壞。九月廿五日早，倭以一師團之衆，由飛機大砲密集攻擊，我軍亦不敵衆，陣線動搖。梁旅長奮然督戰，於是士氣再振，雙方相持三晝夜，肉搏百餘次，倭終未得逞，旋敵復增新銳兵力，乘勢進犯，情勢益急。梁旅長以援兵未至，糧彈盡絕，不得已，抽調兵力，出襲敵側，而正面部隊，亦傷亡殆盡。廿八日早，梁旅長在前綫督戰，是日戰爭益烈，而臨之泰然，頸部中彈，仍不少退，卒從強負敵走，而頭部復受數彈，卒以身殉。

（六）晉城之役徐榮本浴血抗戰

我軍萬部徐榮本團長，在晉城附近山地，率領部隊與敵自刃相搏，浴血抗戰，身中數處，壯烈殉

戰：當其左右初與徐氏受創傷，即勸其退下。徐答曰：「此山如在，我即誓守！吾家軍人，原應效命疆場，何顧因傷退去？」因奮勇搏戰，身受數彈。臨危時，猶高呼殺敵不止。

(七) 李際顯負傷斃寇十餘萬賊

廿一年一月廿六日敵會中島親率步騎砲五六千，藉雲梯大炮掩護，分向中條山一帶進犯。我李團長率領，奮勇砲火，馳驅指揮，身負重傷數處，尙忍痛不退，誓死固守。血戰三晝夜，斃敵無算。陣地失而復得者再。卒以援軍被阻，致陣地突破。時李團長止有隨從一人，猶復抱臂奮起，以手槍斃敵十餘，敵終未敢進，最後僅餘一彈，遂舉槍自刎殉職。

(八) 羅芳珪視死如歸

平津淪陷，敵即移其主方向我南口進攻。羅芳珪團長奉命扼守陣地，縱橫十餘里。自八月十二日起至廿三日止，以千餘疲乏之軍，當數萬方張之寇，器械懸殊，攻守異勢，然終不少退。晝夜指揮，神形俱瘁，左右勸其少息，羅團長勃然作色曰：「壯士出征，死生尙未計及，況疲勞耶？」士卒聞之，莫不感奮，以勇再戰，遂致全團大半與陣地同盡。旋奉命他調，時已陷重圍，仍率殘傷勞瘁之軍，披堅執銳而出。台兒莊之役又奉命率部攻賊。台兒莊既爲軍事必爭之地，敵方猶多重兵配備，激戰之烈，空前未有。當奉令時，即勵部屬曰：「今日之役，有進無退，有敵無我，男兒報國，此其時矣！」

我爲國而死。倘不達到任務，後顧者必勿之」。言畢，即率隊衝進，竟以身殉。

(九) 朱治平父子雙忠

連長朱治平，河南正陽人。廿八年四月廿五日，奉命攻擊西安東北白石嶺。其地敵築有鐵絲網三道，當前進至第一道，全連士兵傷亡嚴三十餘人。朱連長用槍柄十字鐵將網破壞至第二道，瞥見敵兵，乃以手榴彈擲之，斃敵十餘。餘敵後竄，朱連長即督隊緊追，復斃敵二三十。卒阻於第三道網，不得過，敵槍砲齊發，全連因以殉國。朱連長有子，任國部服務員，聞信號哭，是夜身率士卒前往覓屍，至翌早迄未歸國。當午我軍途復白石嶺，見其屍，距父屍僅五米突耳。師長嘉其忠孝，特就地建墳立碑名曰雙忠墓。

(十) 李建章罵敵不屈

綏東我軍少校團指揮員李建章，於廿八年四月廿日隨軍向武川，陶林進發，半途失蹤，杳無消息，始於六月初有被俘列兵王銘鼓自寇陣奔回，謂與李指導員同於五月十三日在武川二龍山被俘，敵圖探索我軍情，即將李指導員嚴刑拷問，凌辱補至，而李矢口不言，只大罵倭賊求速死，卒於萬升泉慷慨就義矣。

(十一) 溫國升冒雨爬城

晉我軍騎兵下士溫國升於廿八年六月三日個淵一役，奉派率隊襲城，是日大雨滂沱，溫仍鼓勇冒雨爬城未及登城，即被敵發覺，一時情急，奮不顧身遂飛步登城，擲一手榴彈，斃敵兩名，溫左股亦受創，猶奮勇前進，與敵肉搏，拚護界城，遂成任務，旋以傷重，壯烈就仁。

(十二) 張全和盤腸大戰

晉北忻口之役，有某師連附張全和者，河南人。當與敵衝鋒血戰時，急腹中刺刀，小腸突出，張連附忍痛離開陣地，將腸納入腹中，纏以腰帶，復持刀上陣迎敵，當時同伴勸其暫退後方醫治，張連附不聽，仍再前進。半小時後，攜敵首二級返笑語其同伴曰：「此舉足相報矣」。即地取出腸斷之。又曰：「余自問一無生望，不如速死」。語畢而氣絕。全為之痛哭失聲。

(十三) 馮增山省死不吐軍情

晉我軍探兵馮增山，一日奉命潛入離石城內。偵察敵情，不幸被捕，經敵百般拷打，並施以毒刑之刑，圖探我方軍情，該探不吐一字，並厲聲叱罵：「趕快處決我吧！」敵憤極，割傷之舌，繼以軍刀亂砍，我忠貞之探兵，遂壯烈成仁。

(十四) 盧俊傑單槍

廿八年春，據著黑龍關宋家溝之敵，一日拂曉向我甘草凹駐軍進犯，一等兵盧俊傑適在本地瞭哨

發現敵兵，即伏甘草凹前襲擊，連斃敵十餘，敵即後退，盧即起身追擊，被流彈傷及胸部，斯時敵二次來犯，盧再奮起迎擊，又斃敵數名，敵退，始負傷回營，急施治療，但以流血過多，不救成仁。盧督繫故人，年僅十七歲。

(十五) 模範健兒壯烈殉國

晉我軍游擊支隊排長周玉明於二月某日晨，在汾陽前莊發動新戰爭後，即向交城游擊，途經鴛家崖底，派探兵偵敵情，探悉敵兵千餘，已由汾陽西圍吳城鎮，該排即停止前進，在崖後山背埋伏待敵，俟讓過前哨，當大隊圍到突以機關槍炮熾盛火力，猛襲其密集部隊，敵前哨聞警折回，配合主力圍攻，周率士兵卅，分據三個山頭，成犄角勢，自午起激戰半日，敵終未能接近，周排長奮勇指揮，身有重傷，彈藥亦盡，敵突以一部向山頭猛撲，周急以所餘一手榴彈投炸，與敵同歸於盡，我士兵乘隙突圍者凡廿人，力戰陣亡者五人，重傷被俘者三人，敵軍被我擊斃者達百餘，圍司令長官據報後，特令將壯烈事蹟刻表墓。

(十六) 楊繼祖被俘不屈捨生就義

晉我軍少尉排長楊繼祖於二十八年春，永安鎮一役，某日率隊潛伏於鎮北高地，待機擊敵，一日午時，敵將集隊行經該地，楊排長乃指揮全排兵士，急襲擊，斃敵兵連五十餘，敵即散開，

取三面包圍勢，楊乃令所部向後撤退，渠獨持步槍一枝，担任掩護，在危急之際，將帶之口令遞別隊，連絡信號等埋藏地下，旋以力竭筋疲，並口重傷，敵俘至靜樂，敵嚴刑拷問，至死不吐其情卒從容就義。

(十七) 熊雲臣忠貞壯烈殺身成仁

晉西某部隊於二十八年四月十日奉令進攻偃塞鎮之敵據點，排長熊雲臣及士兵孟昭勝等二十一名悉被隔斷，進出皆俱無，熊排長乃率全體士兵據守家屋，卒戰阻敵，連一晝夜之久，彈盡援絕，猶以刺刀作白刃戰，是時敵對熊百般恫嚇利誘渠不為所動，敵乃縱火焚屋，該排官兵同在烈火中，作壯烈犧牲。

(十八) 普天照光昭日月

晉我軍下士普天照於汾西戰役，隻身奮勇前進，與敵血拚，並受傷數處，亦不稍後退，斃傷敵三十餘人，卒以傷重成仁，戰區司令長官據報以該下士忠勇犧牲，堪為全軍表率，當即呈請軍事最高當局，給予褒恤，藉資激勵。

(乙) 在東南戰場方面者

(一) 饒國華廣德捐軀

二十七年一月二十九日，長興之敵，分二路進犯廣德。僑國軍師長奉命防守。堅守據點，奮勇迎戰，雖在敵坦克車及重砲轟擊之下，猶泰然鎮靜指揮若定，以是敵傷亡殆盡。卒以親冒矢石，不幸殉陣。士卒聞耗，同仇敵愾之心益深且烈。我安吉守軍，乘機北進，收復泗安，敵腹背受敵，狼狽潰退長興。是時敵氣猖獗，然因此而能挽回頹勢，振奮三軍，燕歸師長之捐軀有以致之。

(二) 蔡丙炎羅店犧牲

二十六年八月二十五日，敵由川沙登陸，謀襲羅店。蔡丙炎旅長奉命率兵五千防守。於昏暗中，佈置工事，并派兵於陣地前埋伏。部署甫畢，陣地前發現敵人，蔡旅長遂下令士兵，不許妄動，待敵接近五十公尺時，即擲擲手榴彈，繼以刺刀衝鋒，結果夜襲之敵，無一生還。旋探知敵人大部在陳家村盤踞，隨下令向村攻擊，兵士無不勇往直前，前仆後繼，斃敵無算。而一時敵大隊援軍忽至，并用優勢炮火，向我反攻，我李團長張營長相繼死傷。蔡旅長仍沈着前進，並下令：「本旅將士誓與陣地共存亡，雖生還死，其各慎守。」兵士感奮，攻擊益加激烈，不幸蔡旅長，突中槍彈，仍高呼前進！至死而聲不絕。

(三) 楊紹卿台浦鎮殉難

楊紹卿團長於二十七年三月八日，自太興出發，至溧陽金亞橋。與敵血戰八晝夜，指揮若定，身

為士卒。博戰抵黃浦鎮，以少禦眾，手鎗重創。雖腹部受傷，仍忍痛率領部隊奮勇前進。當此危急之際，傷重，急欲撲出陣地，而楊團長和之曰：「馬革裹屍，殺敵衛土，軍人天職。」乃冒砲火衝敵陣，手亦傷，數人，不幸中彈，遂即殉職。

(四) 賣山姚子青營殉城

淞滬戰起，姚子青營長，即奉命駐守賣山。自九月五日起，敵集中陸海空軍，猛犯賣山，城垣彈丸無懸，抗守甚難。姚營長以一營之眾，憑城應戰，死傷山積，相持至二日之久，卒以敵源源增援，并巨砲三十餘，用排砲攻城，戰車二十餘輛，掩護步兵衝鋒，敵我人數懸殊，致被敵圍入，發生巷戰。至七日，我守城將士自姚營長以及士兵，全部忠勇殉難，與城偕亡，死之烈，中外震驚！

(五) 戴紹文裏傷創敵

二十八年六月十九日滬北獅子地一役，我軍下士班長戴紹文奮勇與敵肉搏，斃傷敵士兵各一，該士亦被敵傷數處，滿身血污，然猶繼續格鬥，氣不稍懈。又一等兵李玉生種殺之際，彈盡援絕，乃以手榴彈斃敵，彈又盡。遂為敵兵三。所包圍，該兵奮神勇，以一當十，卒擊退敵兵，脫圍而出。該士兵雖皆受重傷，而殺敵之志尤為堅決，自請在營療養，俾得創愈，再赴前線效命不顧移後方醫治。

。倭官聞悉後，特傳令嘉獎。

(六) 寸謙查罵敵求速死

我軍調查寸於德於二十八年七月三日奉命赴草關坪偵查敵情，途中與敵兵數名相遇，急拔出手鎗，向敵兵射擊，砰砰兩響，二敵兵一斃倒地，餘敵不敢迫近。寸又連發數彈，斯時敵兵全數退伏，而寸彈亦已告罄，敵於寸實彈之際，乃乘隙蜂擁而至，伊包圍，寸兩手被執，無由施展，竟被敵挾至瓦橋街敵營，敵會寸佩帶手槍，當係官長，乃以住館，並令偽軍數名，刑毆投降，及探詢我軍情況，寸不食不語，致觸敵怒，乃以醋盂拷問。寸厲聲叫罵，堅不吐實，敵旋施以剝骨剖臂之刑，致骨露筋折，但寸倔強如故，敵會繼利祿相餌，寸拍案誓曰：「中軍不投降，不做漢奸，惟死而已。」敵會氣極，乃下令將寸下部割下喂狗，寸昏厥於地，敵復灌以冷水使甦，復以甘言勸誘，寸仍罵不絕口，敵會知不可屈，乃令解九江敵司令部鞠訊。

(七) 王樹濤堅守陣地

二十八年八月二十日，贛北我軍連長王樹濤奉命襲擊鳩嶺之側敵據點，敵以密集砲火，阻止我部前進，另以一部由土浮河攻取其側背，一部由白崖村猛攻其左翼，使該部陷於兩面不敵之困境，王連長鑒於我部圍剿敵軍，非堅守陣地不可，乃激勵全連士兵奮勇衝擊，敵斃數小特務，陣亡七餘

重，被圍核心然猶以一當十，以一當百，浴血奮戰，王井大聲疾呼曰：「陣亡者們！這是我們軍人最後關頭的時候了！我們決與陣地共存亡，有進無退！衝啊！快衝啊！」語未幾，王已身中兩彈，但仍鎮靜支持，呼喊衝殺，旋以流血過多，陣厥小地，遂壯烈殉職。

(八) 雷鳴化活捉敵兵

雷鳴化廣東台山人，一上等兵也，增城福和圩之役。雷在城前線，奮戰衝殺以一當十，於短兵相接時，活捉一敵兵，不幸胸部中彈，倒地，然猶不願後退，將步槍交與班長，自出手榴彈，相距五十公尺之敵投炸，當場斃傷四四名，乃狂喊：「我殺敵已。本！」此敵兵已蜂擁而至。雷再擲手榴彈六枚，與敵兵同歸於盡。該師官兵暨附近軍隊與農民對雷英勇殺敵之事蹟，無不感動。

(九) 胥祖田慷慨就義

鄂中我軍密探中士胥祖田，一日奉派往鐘祥日偵察敵情，不幸被俘，敵嚴刑拷問，胥堅不吐實，最後敵將該士押赴刑場，並用刀向其週身亂刺，胥厲聲叫罵，並喊：「殺盡倭寇」，「抗戰到底」等壯烈口號，沿途圍觀民眾無不揮淚。敵兵亦欽嘆不已，胥卒慷慨就義。

(十) 劉文慶捐遺餉救國

劉文慶河北德縣人，某軍上尉副官，抗戰以來，身經百戰，二十七年武昌一役，受創，轉往第X

醫院因敵機傷愈以上部縫紉，不幸創傷經愈，但病入膏肓，六月六日與世長辭，臨終遺言曰：「將身邊積存之餉銀七十餘元，捐作貢獻，以盡生前救國未盡之志等語。」該院院長以對上尉臨終猶不忘救國，勸是為抗戰軍人矜式，乃電請軍事最高當局准予表揚，用昭激勵。

(十一) 張友善臨終猶願一睹中華國旗

上等兵張友善，浙江鄞縣人，奉令向寶堰游擊，奮勇衝殺，斃傷敵各一，同時身中兩彈，經救護回營，已奄奄一息。臨終云：「此次作戰，我雖受傷，但斃敵目的已達，克進軍人天職，如一睹我中華國旗，死亦瞑目等語，言訖溘然長逝，在座官兵聞之，無不揮淚。」

(丙) 在空軍方面者

閻海文

(一) 閻海文壯烈殉國

二十六年八月十七日晨，我空軍少尉閻海文奉命轟炸淞滬之敵，機尾中敵高射砲彈，不得已，以保險索降落，誤墜敵軍陣地，被敵數百人包圍，大呼速降。海文手握短槍，沈着不語。見敵行近，連發三槍，敵軍應聲而倒，敵百人俯臥地上，不敢仰首。後聞警，槍聲復發，海文從容迎戰，道槍聲響，遂自殉。事後，敵軍亦深表欽敬，為之建墓立碑。書曰：「支那空軍勇士之墓」。海文，遼

抗戰中之忠勇殉難

一四

寧北鎮人，中央航校六期畢業，精研戰術，饒有膽智。死年二十二。

(二) 沈崇海與敵艦同盡

二十七年八月十九日晨，我空軍第一大隊中一小隊自廣德奉命襲擊余山洋面停泊之敵艦。此隊飛機共計七架；出發後，即升入萬尺高空，越過滬淞敵軍陣地，迨經南匯，副隊長沈崇海一機，忽發生故障，尾冒青烟，漸離隊形落後，未幾，其他六機已達余山上空，俯視敵艦十餘艘，正升火待發，隨投下三千磅炸彈三枚，當有敵艦一艘沉沒。任務既畢，回過白龍港，發見沈隊長之機在下方二千尺處，逡巡偵察。時港口敵艦層集，我機因炸彈用畢，無以打擊敵人，正各悲憤填膺之時，沈隊長之機突然對準一敵艦，閉足油門，直衝而下，頃刻間火光怒閃，海水狂沸，遂與敵艦同歸於盡。

(三) 陳懷民神勇撞機

二十七年四月二十九日，敵機侵襲武漢，我空軍大顯神威，一舉擊下敵機二十一架。其中作神勇英武之犧牲者，則為陳懷民烈士。烈士，山東人，年僅二十二歲。自航校畢業後，即參加空戰。南京歸德之役歷奏奇功，雖兩度受傷，仍不願住醫院，常作準備起飛殺敵之想。此次奉命出發，以一機而敵四機，在危急懸殊情勢下，反有一敵機被烈士機槍擊落。祇因殺敵心切，未能顧及後方敵機，方欲回機再戰，而機身已中數彈，機件操縱不靈，於是機身搖搖欲墜。烈士抱與敵偕亡之心，突然閉足

馬力，用最高速率，猛向當面一敵機撞去，碰然一聲，火四散。我空軍勇士陳懷民遂與敵機同時俱
毀。

(四) 二一八李呂兩隊長殉職

二十七年二月十八日下午十二時許，我航空當局，據報有敵機三十餘架過皖。有向武漢進襲企圖。
。迨至一時左右，敵機漸逼近武漢，我驅逐機當列陣市區外，巡備迎擊。旋漢口戴家山一帶，敵機
數架向我機猛撲。我李大隊長桂丹，勇率戰士，攔頭痛擊。彼上此下，均爭逐死角射擊據點，斷殺激
烈。正相持間，我呂基惇大隊長率生力軍趨援，馳驅往來，敵機不支，乃鼠向漢陽。我各將士乘其
不備，急列圍陣勢，採取個別擊破戰術，向前夾攻，敵機隊形零落，無力回門，當見天半濃烟冉冉
而降，數架敵機先後應聲墮落。我機見奏功之時已至，各展神威，奮力緊追至黃陂，以最敏捷之手段
，連將敵機擊落，敵機愈形狼狽，匆匆東潰。我軍見任務已達，未加窮追。是役也，我空軍能於一次
交鋒內，連擊落敵機十二架，洵為我國空戰中空前偉績。惜李呂兩大隊長，亦於是時捐軀，事聞中樞
，深為惋惜，特令褒揚優卹，用彰忠盡。

關於義烈之人民

(甲) 在蘇皖方面

(一) 孫景瀛爲民族犧牲

八二三英勇抗戰發動後，上海有印刷工人孫景瀛者，毅然加入抗日團體之組織。自上海淪陷後，仍潛伏租界，繼續工作。十二月三日早，得情報，知寇軍將於今日舉行慶祝，並遊行南京路示威。於是即召集同志，在緊急會議中，決定應做之犧牲工作。當寇軍整隊遊行南京路時，捕房已在各路口斷絕行人，嚴密戒備。景瀛同志攜彈躍於路口人羣中，一見寇兵，怒髮上指。景瀛爲爭民族光榮，竟不顧一切，衝進警戒線內，將預放之炸彈擲去，立將寇兵三人擊斃，復擲一彈，寇軍已散開四周，致未命中。刺此時景瀛已被捕發覺，開槍狙擊，應聲倒地，卒因傷重成仁。

(二) 不屈服之上海回民

上海淪市陷於有某回民者，爲日寇所執。日寇共十人，執回民而問曰：「日本好還是中國好？」回民毅然答曰：「當然中國好。」日寇聞而大怒，痛加鞭打。該回民怒火中燃，誓不屈服，任其苦打。回民稱中國好，中國好！日寇見狀，獸性大發，乃持大鐵棍猛擊回民之頭，腦漿迸裂，慘不忍睹。

(三) 凌惠根謝阿不冒險助戰

蘇省我某路軍第×支隊，某月武進金鶴壩一役，在優勢敵軍之包圍下，進行劇烈戰鬥，當戰況危急之際，急待渡河轉移陣地，斯時有農民凌惠根者，冒雨爲我舟架橋，協助渡河，轉移陣地。同時，居民謝阿不隱藏重傷士兵八名於其家，並將槍枝以麥草裹紮，担運至該隊，該隊主管長官，以凌等不避艱險，協助軍隊作戰，愛國熱誠，殊堪嘉許，當各獎獎金兩百元，以示獎勵。

(四) 王崑五謀刺被殺

蕪湖商會常務委員王崑五，當敵軍侵入蕪湖時，以身負維持商場責任，不克離開。經敵軍多方探詢，請出任維持會會長。崑五與周旋，欲得當以報國，敵深信之。崑五見時機已至，一夕懷手槍見敵會，擬加狙擊，不意與敵會敘談之下，形色稍露張皇，搜出手槍，當即立斃於地。臨難罵不絕口，時株連死者共七人。

(五) 廣德老人誘敵殉難

廣德城南二十里，有天險，曰甘溪溝。其地三面高山，中通爲道。故以前廣德數年匪患，甘溪溝獨稱樂土焉。敵軍陷後，此地爲我游擊隊埋伏之所。一日有五敵騎行經溝下，遇老人江曉鳳，迨迫近向孝豐。老人夙知溝爲天險，苟將敵帶去，定可使片甲不返。即誘引五騎入險，行久之。始則馬不並

行，則則蹄不能進，敵懷疑欲止。老人見游擊隊不至，中心焦憤。敵知有意計給，隨拔槍相向，老人立刻大呼曰：「日之鬼子來，大快起殺日本鬼子！」敵聞聲大驚，乃捨其吭，挾老人上馬出溝口，待游擊隊至，見老人已爲敵用煤油燒死。

(六) 吳榮保罵賊壯烈殉難

抗戰以來，皖省軍民忠勇抗戰事蹟迭有所聞；然未有如吳榮保殉難之壯烈者！吳烈士銅陵居門口人，爲人忠誠，極富國家民族思想，銅陵陷後，殺敵之志愈堅，當我軍每次反攻銅陵時，吳輒躬冒敵軍砲火，擔任嚮導，深入敵後偵察，詎不幸爲敵所獲，遭敵毒打，遍體鱗傷，鮮血淋漓，衣履盡赤，敵復以鐵絲貫穿其手掌，繫於樹上，每隔一小時，輒用磚瓦石塊向其亂擲，烈士不爲所屈，週身血肉模糊，如此延續至三日而死，臨終時，猶高呼：「殺盡倭鬼」不已。

(七) 宣城村民赤手斃敵

敵軍自佔領宣城後，奸淫擄掠，無所不至，我民衆對之，憤恨實深。一日，有敵四人，在附郭某村，施其故技，由三人入內，一人在莊外担任警戒。適被我居民發見，即伺三敵入村後，掩至担任警戒之敵身後，乘其不備，以雙手合抱之，敵思呼援，復將兩項緊束，仆之於地，隨拔敵佩刀，手刺其胸，頃刻氣絕。該村民遂將敵屍移置附近田間，覆草而去。嗣入村之三敵出外，不見其伴，立將該村

房屋焚燒，居民盡受屠戮。敵軍獸行固屬足怪，而我手無寸鐵之民衆，尙能赤手空拳斃敵一人，足見吾民神憤同仇之一斑也。

（八）張子開誓死不做漢奸

安徽合肥自廿七年淪陷後，敵當兇僞偽人物，組織維持會，漢奸輩紛推三河鎮正紳張子開出面，敵即派員勸張附逆，張詞拒絕，敵遂捕去其子，以相威脅謂：「汝如不出山，立斬汝子首！」張不爲動，敵果殺其子，並以首級示之，仍威逼張僞維持會長職，張怒曰：「已斷吾子之頭，又來逼我，即便斬我全家，我亦不做漢奸！」敵惱羞成怒，遂將張之全家並張以次殺害。鄉民見張闔家担任僞職，憤遭敵手，極受感動，紛起參加游擊隊，與敵周旋，漸成爲皖中淮上之抗敵勁旅。

（乙）在湘贛方面

（一）謝保長殺身成仁

湘北陣城紅木橋村民素稱樸樸，富國家思想，某日敵兵百五十餘，由該城經花田畝，竄抵紅木橋，圍攻我游擊隊，乃擄我保長謝元佐，甲長謝元均與農民等六人，令爲帶路，導往游擊隊活動地帶，謝等誓不爲所在，敵恣，當將謝等毒殺，並處以烙烤之刑，渠等始終不爲引導，敵最後將謝等亂刀砍

死，切肉成糜，仍烹回陸城。湘省府以謝保長等死事壯烈，大義凜然，殊堪矜式，特從優議恤，並明令褒揚，以昭激勵。

(二) 贛東初一門忠勇

湘南嶽鎮，自抗戰軍興，應徵兵役頗為踴躍，就中有贛東初者，所生二子，長萬華，廿五歲，廿六年贛溝橋事變發生，即首先從軍，編入某師，赴前方作戰，次子壽雲，現十六歲，畢業小學，激于愛國熱誠，逕向鎮公所應徵，轉送縣府編入戎行，其父母以二子均能為國家效忠，異常興奮，並時對二子訓勉，努力殺敵，勿以家庭為念。其家尚有女三人，兩女尚幼，長年廿二，目視兩兄弟先後從戎，亦赴前線擔任救護工作，鄉里父老以贛門子女三人均能為國效勞，英勇參加抗戰，誠為名門生色不少，乃聯名呈請政府准予嘉獎，以勵來茲。

(三) 樓田鄉民拒組偽維持會

南昌東南瑞湖附近之樓田自淪陷後，敵寇即強迫該村鄉民組織維持會，當為該地民衆嚴詞拒絕，激憤，乃立捕殺數人，俾洋而去。不久，敵又脅迫組織，復遭拒絕，敵又捕殺數人而去。第三次，敵乃派隊威脅，並加以利誘，該村民衆，仍堅決不從，敵寇惱羞成怒，遂將該村全行焚燬，村民不及逃出者，俱遭慘殺，逃出之壯丁，亦幸給加意嚴察，絕無正規軍作戰，遂受敵重創。

（丙）在晉魯方面

（一）晉南村民用石子鍋碗擊敵

晉南吉縣井坑村西南一里許之寨子，廿七年年底，曾一度被敵蹂躪，翌年春，敵再厚來犯，村民據險以守，某日敵五十餘，架木入寨，掠去村民財物價值七百餘元，三日，敵再去劫掠，居民不堪其擾，乃堅決抵禦，初以石子投擊，石盡，繼以鍋碗等具爲武器擊敵，相持兩日，敵不得退，最後惱羞成怒，大舉增援來襲，旋將寨子，寨內居民老幼被殺者廿六人，傷二人，其狀甚慘，其未被殘殺者，揚竿而起，紛投遊擊隊參加擊敵。

（二）義民張全申光榮殉國

義民張全申晉南平陸交里村人，富愛國思想，某夜我軍某部奉命西進，道經該村，正擬前進之際，張氏馳向該軍報告謂：前村已發現敵人，並自告奮勇，爲帶路偵察，不期行至村口，被敵包圍，架至敵營，乃施殘酷毒打，強迫吐我軍情，張氏誓不吐實，率至筋斷骨折，光榮殉國。某軍義民張全申奮不顧身，担任偵察任務，被俘猶能忠貞不屈，洵堪嘉武，除函平陸縣政府優予議恤外，並電請政府准予褒揚，用彰忠烈。

(三) 晉南郭姓一門忠烈

郭壽山晉趙城人，非游擊。某支隊中士，廿七年底，奉派入城偵察敵情，經伊父介紹，投入某黨奸學棧做校役，進行秘密工作，嗣被敵察覺，連伊父郭俊傑，同時拘捕，經敵七日審訊，被拷擻體無完膚，猶堅不吐露我方實情，惟閉目稱罵而已！敵寇憤極而怒，竟以鐵錘將兩人牙齒逐一敲落，並拔壽山之毛髮，然郭氏父子信強如故，敵見其父子終不可屈，乃於某日午後押赴東關外東嶽廟旁鎗決，行刑前，郭氏父子均作滿子吼，高呼：「抗戰到底，打倒倭寇」等口號，郭全家老幼七口，亦於事後全遭殘殺，一門忠烈殉國，至堪矜式。

(四) 五義士智燬敵砲彈

晉敵軍在運城擄我壯丁李治章，董永祿等，命搬運砲彈，渠等愛國心切，某日乃暗地謀合運輸工友，李文生，宋發才，宋長春等，即於當晚起事，以火引燃砲彈，一時彈炸，聲撼山谷，運城敵守聞聲以夢中驚醒，秩序大亂，事後計燬砲彈四百餘箱，我四壯士乘隙逃逸，惟李文生被敵查獲，壯烈殉難。

(五) 大學生慷慨就義

廿八年六月，當敵七次犯中條山之際，平陸全家潭村民悉隱蔽於距村五里之山洞內，九日晨敵至

，將山洞重重包圍，並入內搜查，搜出廿四人，其中有類似軍人者五名人被就地刺死，將其餘十九人帶至坡下，繞外圍射，擬用機關槍掃射，敵忽從十九人中提出一人至其前，令辨認有無相識，趙從指出伊父及弟，敵不語，指趙為共產黨。趙加以辯白，自承認是朝陽大學畢業生，敵狂喜，隨喚趙譯以日語、英語、德語詢其籍貫學歷，趙對答如流，敵連呼「好」不止，當將趙帶至商會區，敵曾操英語問話，獎勵有加，令隨軍工作，並發給時表符號。趙辭詞拒絕，正首厲色而言曰：「我是中國人，不做漢奸，不做亡國奴，反對倭寇，打倒倭寇！」敵會氣極，叫衛兵拉下，敵揮刺刀向趙全身亂刺，趙叫罵狂厲，敵且野草塞其口，並以刺刀戮其腹部迫送成仁。

(六) 孟縣愛國同胞之掙扎

敵自佔領孟縣後，滿街張貼汪精衛標語。右前中興者，見而大憤，歸即號召同志，將全城所貼標語盡行撕去，并高呼打倒日本帝國主義！中華民國萬歲等口號。旋為敵逮，用非刑拷打，大罵不屈，先割其舌，後剝其皮，臨死猶高呼口號不止。

(七) 濟寧男女回民奮起

日寇在濟甯各鄉村，燒殺淫掠，無惡不作。回民憤不可遏，乃糾合老牛作之教徒二百餘人，不分男女，各持屠刀，劫殺日寇。計一夜之內，為殺等殺斃之日寇達二百餘人。後此二百餘教徒，因不及

逃出，亦悉爲日寇殺死。

(八) 中學生壯烈成仁

山東某中學學生索光耀，十七歲，憤敵寇侵略，乃披髮從戎，參加第×團區某部爲一上等兵，在魯北青州鎮之役，與敵激戰，達三晝夜，不勝爲敵所擄，敵初以甘言利誘，使其吐露軍情，繼以酷刑拷問，但索光耀始終不屈。且厲聲罵曰：「我是中國人，愛我的中國！」最後爲敵所斃，遂壯烈成仁。軍司令部電請政府給予褒恤，以資鼓勵。

(丁) 在閩粵方面

(一) 三兒童作文罵日寇

廈門敵寇四月四日在旭福書院舉行兒童節慶祝會，當召集全市小學生參加，由敵軍司令宮田，領事內田，特務機關長澤忠信，保維特會指導官佐藤等，帶大批玩具，餅乾等分給，並擬「慶祝兒童節與中日親善」荒謬題目，令諸兒童爲之述之，多數交白卷，就中有周智慧，紀和琴，楊春蘭等三人，在卷內大書「慶祝兒童節要打倒日本鬼子」及「國恥倭寇」，「還我河山」等句。敵會聞後，大怒，令其回司令部，將三兒童沿途哭喊：「打倒日本鬼子！」「擁護蔣委員長！」等聲烈口號，聽者無不動容。

（二）三灶島壯丁火焚敵機場

敵在三灶島機場，所建之偽機收容所，係以葵棚木板搭成，所內放有受傷後正在修理之敵機三四架，乃為島中壯丁所知。一日晚間，召集同志多人，乘以造飯之際，潛行掩至放火，將收容所焚燒。霎時間火光熊熊，不可嚮還。敵兵發覺，狼狽奔出，後由大隊趕至，始將火撲滅。而所內所放之敵機已全數化為灰燼矣。

『必須發揚國民互助精神。出入相友，守望相助，疾病相扶持，本是我國先民的美德。在精神總動員中，應特別發揚光大，使互助成爲鞏固民族團結的最有效辦法。』

（摘張總書長講演詞）

「前年首都陷落以後，有位友人未及退出，他又不堪敵兵的壓迫，就從城牆上爬越出來。他平日從未練習過這種技能，一旦事到臨頭，居然奮不顧身的越城而出，一個人在危急的時候，往往發生非常的力量，平日所做不到的事，都能做到，在前阻溪流，後有進兵時，即使是平時不能跳遠的人，也往往能一躍而過，依照心理學的解釋，這種非常的力量叫做「精力的最大使用」！」

（摘錄張祿書長講演詞）

歡 迎 翻 印

本叢書爲供國民月會講述材料及一般國民閱讀之用，歡迎各地精神總動員協會或其他團體私人翻印。但定價不得超過印刷成本，并須註明由某地某團體等翻印。